

備厨供上直朱反伺相寺反啼擇掣下或作高  
也正號

## 大乘大悲分陀利經卷第八

駒十

失譯師名附秦錄 舊信之刊

現伏藏施品第二十七

又於好時過阿僧祇劫時此佛土名曰除穢  
於饒益大劫亦復五濁於東方第五十四天  
下閻浮提名曰帝剎我爲度衆生故於其中  
生爲四天下轉輪聖王名曰虛空我於彼中  
以十善業教化衆生勸以三乘令住其中又  
一切施一切處施有來求索種種珍寶金銀  
琉璃玉紺大紺明月水精隨其施與珍寶轉  
增我問諸臣從何所因得此衆寶諸臣答言  
諸大龍王開示伏藏伏藏現故世饒珍寶彼

雖現伏藏不及從王求寶者多我即立願若  
我於彼五濁惡世統使極重百歲人中得成  
阿耨多羅三藐三菩提是意滿者令我於此  
佛土得爲龍王名現伏藏於除穢佛土一切  
方中各七反受龍身於一身示現億那由  
他百千伏藏滿中衆寶金銀乃至玉紺大紺  
明月水精持用施與一伏藏縱廣千由旬  
如是衆寶充滿其中開發施與一切衆生如  
此佛土立勇健事如是十方恒河沙數五濁  
空世界中於諸刹土一切方中各七反受身  
如前所說善男子如我立是願應時億那由  
他百千諸天於虛空中兩衆妙華讚言善哉  
善哉一切施如所立願意必得滿時諸大衆  
普聞是聲天於空中爲王改号名一切施諸  
人聞已即生是念我等應從求其難捨彼若  
與者名一切施若不與者非一切施彼諸衆  
生即來從王乞宮人正后男女時虛空王以  
歡喜心皆悉施與彼諸人等復生是念妻子

施與猶未爲難我等今應從乞支節若能與者名一切施若不與者非一切施時有人敬持雞戒名爲月光至虛空王前白言大王若一切施者此一切閻浮提可以施我王聞語已欣然大悅即浴以香湯著王者之服立爲一切閻浮提王尋即立願如我今日捨此閻

浮提王位爲滿阿耨多羅三藐三菩提意故今立王願令一切悉皆伏從增壽無窮究竟得爲大轉輪王如我今日王位與之願成阿耨多羅三藐三菩提時受其次後阿耨多羅三藐三菩提補處職記復有婆羅門名曰盧遮來乞兩足我以好心手執利刀自截兩足

駒十

二

特用施之尋立大願令我得成無上戒足復有婆羅門名陀吒波來乞兩眼自挑與之尋即立願今以是施今我得無上五眼復有婆羅門名曰堅紅來乞兩耳自割與之即便立願我以是施得無上智耳復有一邪命名曰逸林來乞男形自截與之我尋即立願今以

駒十

三

是施今得無上陰藏之相復有來乞肉血我即與之尋即立願以是施報得金色相復有波利婆羅闍迦名曰日味來乞兩手我自截左手令人截右手而與之尋即立願願得果成無上信手如我截身支節流血塗體即復立願我以是施得滿阿耨多羅三藐三菩提意者令我必得付此身處時彼無有聖智群臣諸小國王不識重恩衆共議言王其愚癡無少慧分傷損支節不顧王位譬言肉聚何用斯爲今應放棄即便攝我擲置城外丘壙之處捨已還歸我於彼中蚩蟻蚊蚋狐狼鳥鷺來食者我以好心尋即立願如今捨比一切王位支節施與一心念頃不生恨想亦無悔心今是意滿願我此身變成肉山其有衆生食肉血者令彼盡來服吾血肉彼既來食以本願故令吾此身日得生長漸漸轉增高千由旬縱廣正等五百由旬於千年中以身血肉充足衆生於中施舌禽獸來食以本願

故尋即還復但舌施與如耆闍崛山即立願言今我常得無上廣長舌相於中命終以本願故還生帝釋間浮提龍中名現伏藏龍王所可生夜即現億那由他百千伏藏現衆寶積滿所謂金銀乃至水精咄汝衆生應修十善業發阿耨多羅三藐三菩提心若發聲聞

乘心若發辟支佛乘心隨意所欲可往取寶於彼帝釋間浮提七反爲龍經七十億那由他百千歲中現無量阿僧祇伏藏施與衆生其中如是勸無量阿僧祇衆生令住三乘修十善業以種種衆寶充足衆生尋即立願令得無上三十二相如是於二天下七反爲龍立是丈夫行如是三天下乃至遍餘穢世界一切方中立是丈夫行如是於十方恒河沙數五濁空佛刹中於此諸刹一切方中皆各如是七反爲龍經七十七億那由他百千歲中以無量阿僧祇伏藏施與衆生如前所說善男子觀如來菩提行如來極精進力爲

具三十二相行菩提行非先菩薩能如此極力行菩提行今亦無有後來亦無菩薩能如斯極力行阿耨多羅三藐三菩提行除彼八人我先說者過阿僧祇劫於餘好時此佛土名珊瑚井亦空五濁蓮華大劫中時我爲是四天下釋名曰等照我見斯間浮提衆生不求戒行見已即自變形爲惡夜叉甚可怖畏下此間浮提人前住彼見我已甚大怖畏而問我言欲求何等我言須食不用餘物便速辦之彼言欲得何食我言唯食人肉不用異物若盡形壽能斷殺生乃至邪見發阿耨多羅三藐三菩提心若辟支佛乘心若聲聞乘心能作是行者吾不食也現作化人而取食之彼衆生見已極生恐怖彼盡形壽斷殺偷盜乃至邪見有發阿耨多羅三藐三菩提心有發辟支佛乘心有發聲聞乘心令此一切四天下衆生修十善業得住三乘我於中立願若我阿耨多羅三藐三菩提意得滿是願

駒十  
四

得滿願者如彼此四天下衆生得住善道如是於此佛刹一切四天下現如是恐怖令修十善道業安置三乘復於十方五濁空佛土中乃至令修十善業安置三乘善男子我如意願盡滿如此遍珊瑚井世界中以夜义形調伏世人置善法中如是十方恒河沙數五濁空佛刹中以夜义形調伏世人置善道行以我恐逼衆生住善行故以是殘業令我欲成菩提坐金剛座菩提樹下魔王波旬將大兵衆來恐怖我作菩提礙

善男子此是我略說檀波羅蜜行菩提行未得深忍深陀羅尼深三昧除先二身得世五通如是立大丈夫行如是勸化無量阿僧祇衆生令住阿耨多羅三藐三菩提勸化無量阿僧祇衆生得住辟支佛乘勸化無量阿僧祇衆生得住聲聞乘除我行菩提行時親近佛刹微塵數諸佛一一佛所得如海水滴功德我供養過數辟支佛供養過數如來聲聞

如是供養父母五通仙人如我先行菩薩行憐愍衆生以身肉血而充足之彼時憐愍今阿羅漢所無有也

### 大乘大悲分陀利經菩薩集品第二十八

善男子如我以佛眼觀見十方佛刹微塵數諸佛世尊已般涅槃彼皆是我勸化阿耨多羅三藐三菩提令住中者亦是我初勸檀波羅蜜乃至般若波羅蜜令住中者乃至當來亦如是說又見東方現在住世無量阿僧祇諸佛世尊轉正法輪為衆說法亦是我初勸發阿耨多羅三藐三菩提心令住中者乃至六波羅蜜亦如是說南西北方及與上下亦

勸十

五

如是說善男子我見東方去此佛土過八十九百千佛刹有世界名華敷佛名無垢德明王如來現在住世為衆說法彼世尊是我初勸發阿耨多羅三藐三菩提心亦是初勸檀波羅蜜乃至般若波羅蜜令住中者略說東方有樂喜刹佛名阿閻有紫摩刹佛名日藏

有樂自在刹佛名樂自在月明有日沒刹佛  
名智日有勝息刹佛名龍雷有等林刹佛名  
金剛稱有自王刹佛名虎兒有無樂刹佛名  
日藏有照怨刹佛名稱自在有彌樓光刹佛  
名不思議王有衆護刹佛名月德藏有華光  
刹佛名音勝光有安上刹佛名現安自在彌

樓有持主刹佛名智像有雜華刹佛名無垢  
眼善男子我以佛眼觀見東方如是等無量  
阿僧祇諸佛世尊現在說法彼未發菩提心  
我初勸於阿耨多羅三藐三菩提令住其中  
是我初勸檀波羅蜜乃至令住般若波羅蜜  
是我先所將至現在住世諸佛世尊所初得  
受阿耨多羅三藐三菩提記者說是語時華  
敷世界無垢德明王如來座動其中菩薩見  
因何緣如來座動我等初未曾見彼佛告言  
善男子等西方去此佛刹過八十九百千佛  
土有世界名娑訶其佛号釋迦牟尼如來今

現在爲四衆說本事法彼如來先爲菩薩行  
菩提行時初勸化我於阿耨多羅三藐三菩  
提令我初發阿耨多羅三藐三菩提心彼如  
來先爲菩薩行菩提行時初勸我行檀波羅  
蜜乃至般若波羅蜜得住其中又彼如來先  
爲菩薩行菩提行時初將我至諸佛世尊所  
令得受阿耨多羅三藐三菩提記彼釋迦牟  
尼如來是我善知識現在娑訶世界爲四衆  
說是本事法以彼如來威德力故使我座動  
諸善男子汝等誰能詣彼娑訶佛土如我辭  
曰敬問釋迦牟尼如來少病少惱安樂住不  
彼諸菩薩白無垢德明王如來言世尊此華  
智行陀羅尼門彼多百千菩薩以自神力欲

六  
四十

發彼土我等不知娑訶世界釋迦牟尼如來佛土爲在何處時彼無垢德明王如來尋即伸臂從五指端出種種光彼諸光明徹照八十九百千佛土乃至照此娑訶世界彼諸菩薩普見此娑訶世界菩薩充滿天龍夜叉阿脩羅遍滿虛空見已彼諸菩薩重白無垢德

明王如來言世尊我等見娑訶佛土一切菩薩充滿其中無有少地可容杖處又見彼釋迦牟尼如來唯視我等爲我說法時彼無垢德明王如來告諸菩薩言善男子等彼釋迦牟尼如來所視普等善男子於娑訶世界住地衆生在虛空者彼一一皆如是知釋迦牟

第七

尼如來唯獨視我爲我說法善男子彼釋迦牟尼如來以其一身現一切形而爲說法彼佛土中其有衆生事梵天者彼見釋迦牟尼如來梵天形聞大梵音而爲說法乃至事魔事釋事日事月事毗沙門事毗留勒伽事毗留波叉事提陀羅尼吒有事摩醯首羅天者

彼見釋迦牟尼如來摩醯首羅形聞摩醯首羅音而爲說法乃至其中衆生有事八萬四千種處者彼如所事見釋迦牟尼如來聞法亦尔彼大衆中有二菩薩一名羅潘象二名月光時彼無垢德明王如來告二菩薩言汝等善男子可至娑訶世界如我辭曰敬問釋迦牟尼如來少病少惱安樂住不彼菩薩白佛言世尊我等見彼一切娑訶佛土地上虛空皆悉充塞乃至無有容一人處我等何住時無垢德明王如來答言善男子等莫作是說娑訶佛土無有住處彼釋迦牟尼如來處所極廣具不可思議佛之功德彼如來以本

願故憐愍儀法所容甚廣說三歸依三乘說法說種種戒現三脫門於三惡趣拔濟衆生爲度衆生於中石山帝眼夜叉宮住娑羅窟一結跏趺坐七日無諍受解脫喜樂其如來身滿娑羅窟乃無四指空處如來之身所不遍者竟七日時於十方有十二那由他菩薩

摩訶薩至彼娑訶世界住彼山前咸欲奉見  
恭敬親近釋迦牟尼如來又欲聽法善男子  
時釋迦牟尼如來爲彼大衆即現神通令娑  
羅窟極大寬博彼十二那由他菩薩入娑羅  
窟中猶見寬博彼一一菩薩以種種菩薩神  
通供養如來已唯善男子彼釋迦牟尼如來

住處所容廣博如是彼諸菩薩從釋迦牟尼  
佛所聞說已頭面禮足右繞三匝各還本土  
彼諸菩薩發去未久彼娑羅窟還復如故其  
中有四天下釋名殞尸迦觀命將終應墮畜  
生極大恐怖與八萬四千三十三天俱詣娑  
羅窟向世尊所近帝眼夜叉宮娑羅窟前住

聊十

承佛威神即生是念我今應請般遮飾乳闡  
婆子以彼妙音歌歎世尊可令世尊從三昧  
起時彼帝釋往請般遮飾乳闡婆子時般遮  
飾執琴而來承佛威神以柔軟音五百偈讚  
彈琴歌詠歎於世尊善男子如般遮飾讚歎  
世尊應時彼釋迦牟尼如來入無聲勝明三

八

昧令此一切娑訶世界諸大威德夜叉羅刹  
阿脩羅伽樓羅緊那羅乾闥婆欲界色界一  
切諸天皆悉來集其中樂音詠者彼聞詠音  
生大歡喜樂讚誦者彼聞讚辭於世尊所生  
希有心歡喜恭敬樂琴音者彼聞琴音亦大  
歡喜時彼釋迦牟尼如來從三昧起現娑羅  
窟時帝釋即前問世尊言我坐何處彼釋迦  
牟尼如來告言汝等夜叉所共來者今可入  
此娑羅窟坐時窟寬博十二恒河沙數大衆  
入彼窟坐時釋迦牟尼如來爲彼大衆說如  
是法衆中有求聲聞乘者彼解說聲聞乘九  
十億衆生於中得須陀洹果有求辟支佛乘

者彼得解說辟支佛乘有求無上佛乘者彼  
純解說無上大乘般遮飾乳闡婆子等十八  
那由他衆生得住不退轉阿耨多羅三藐三  
菩提其中未起三乘心者有發阿耨多羅三  
藐三菩提心有發辟支佛乘心有發聲聞乘  
心彼殞尸釋即離恐怖增壽千年得須陀洹

聊十

果善男子彼釋迦牟尼如來所容寬博如是  
彼如來音輪亦復寬博無有人能算數如來  
音輪邊際彼如來方便廣博勸導衆生無有  
人能知彼如來方便邊際善男子彼如來身  
甚為高廣無能見頂知身際者如今於彼娑  
訶佛刹衆生雲集若彼一切入釋迦牟尼如  
來腹中皆悉容受彼如來腹亦不增減彼諸  
衆生不能得彼如來腹之邊際又彼衆生同  
時和合入彼如來一毛孔中又復不還出亦  
不增減欲尋如來一毛孔際無能得者乃至  
天眼所不能知彼釋迦牟尼如來身所容受  
如是寬博復次善男子彼釋迦牟尼如來佛

土甚大寬博善男子又於十方恒河沙數諸  
佛刹中衆生充滿如今娑訶佛刹若彼衆生  
今盡來入娑訶佛土者皆悉容受所以者何  
以彼如來先初發阿耨多羅三藐三菩提心  
立是願故善男子置此一恒河沙數世界乃  
至十方千恒河沙數諸佛土中衆生如是充

滿如今娑訶佛土衆生充塞若彼一切令入  
娑訶世界皆悉容受是彼如來先初發心求  
佛土所知如是寬博以是四法故彼釋迦牟  
尼如來勝諸如來善男子汝等持此月樂無  
垢華如已所見往至西方娑訶佛刹如我辭  
曰敬問釋迦牟尼如來少病少惱安樂住不  
時彼無垢德明王如來以月樂無垢華與羅  
潘象菩薩月光菩薩與已告言汝善男子承  
我神力詣娑訶世界彼中二萬衆生同聲白  
佛言唯世尊我等亦承如來神力詣娑訶世  
界奉見恭敬親近釋迦牟尼如來時彼無垢  
德明王如來告言善男子等隨意可往彼二  
菩薩羅潘象月光與二萬菩薩俱承彼無垢  
德明王如來神力發華敷世界如一念頃至  
此娑訶佛刹詣耆闍崛山叉手合掌白釋迦  
牟尼如來言世尊東方去此過八十九百千  
佛刹有世界名華敷其佛号無垢德明王如

來彼佛於菩薩大衆中稱譽如來功德作如是言婆訶刹中有佛号釋迦牟尼如來今現在彼如來先爲菩薩行菩提行時初發化我於阿耨多羅三藐三菩提令住其中我隨彼語發阿耨多羅三藐三菩提心彼如來先爲菩薩時初勸我住檀波羅蜜乃至如前所

說彼釋迦牟尼如來以是四法勝諸如來彼如來遣此月樂無垢華致問少病少惱安樂住不如是樂喜刹中阿閦如來座動其諸菩薩在會中者見阿閦如來座動尋即發問略如前說於一切處亦如是說余時東方無量阿僧祇如來使菩薩各持月樂無垢華至此娑訶佛刹奉見致問釋迦牟尼如來供養恭敬親近聽法

余時世尊適稱東方世界名字諸佛号已又復欲稱南方而作是言善男子我見南方去此佛土過一恒河沙數佛刹有世界名除一切憂惱其佛号無惱德如來現在說法我先

行菩薩行時初勸彼佛於阿耨多羅三藐三菩提乃至如前所說間浮提光刹中法自在雷佛彌樓安刹中至自在堅帝佛德莊嚴帝刹中師子奮迅王佛珠冠莊嚴刹中那羅延伏藏佛放光遍覆刹中寶集功德奮迅佛天樂刹中明藏佛旃檀根刹中星宿稱佛香聞

勸十

十一

刹中福力婆羅王佛善解刹中柔軟雷音聲佛闍居利中娑羅稱帝王佛雷是刹中自在明照佛雲雷刹中柔音聲佛分寶刹中寶掌龍佛波羅摩寶樹刹中法雲月明白在佛略如前說南方如是無量阿僧祇諸佛座動彼諸佛世尊皆稱譽讚歎釋迦牟尼如來余時南方乃至無量阿僧祇如來遣菩薩持月樂無垢華至此娑訶佛刹敬問釋迦牟尼如來乃至聽法

余時世尊復作是言善男子我見西方去此國土過九十七那由他百千佛刹有世界名寂靜其佛号寶山如來今現住世爲衆說法

我本行菩薩行時初勸彼佛於阿耨多羅三藐三菩提乃至如前說略說佛号其名曰妙光藏佛音智藏佛廣稱佛普藏佛梵華佛掌超越佛法燈明佛無等辭佛樂高音佛流布王佛梵帝聲佛皆如前說如是西方無量阿僧祇諸佛世尊所可釋迦牟尼如來稱其名

勸十

十三

者彼座皆動尔時西方無量阿僧祇佛遣菩薩持月樂無垢華至此娑訶佛刹至已各坐聽法略說如是北方上下東南西南西北皆亦如上說

時釋迦牟尼如來又欲說東北方而作是言善男子我見東北方去此佛國過九十八億

那由他百千佛土有世界名無塵其佛号除憂惱踊上廣聞娑羅王如來我本爲菩薩行菩提行時初勸彼如來於阿耨多羅三藐三菩提令住六波羅蜜我初將彼至諸佛所令彼得受阿耨多羅三藐三菩提記如所稱名彼座皆動乃至說衆生八萬四千種處隨事

聞音見釋迦牟尼如來聞如是法彼衆中有二菩薩一名山蜜二名等樂趣時彼除憂惱踊上廣聞娑羅王如來告彼三菩薩言汝等善男子往彼娑訶世界以我辭曰敬問釋迦牟尼如來少病少惱安樂住不彼白佛言世尊我等見彼娑訶佛刹地及虛空皆悉充滿乃至無有容一人處我等何住彼如來言善男子莫作是說娑訶佛土無可住處善男子彼釋迦牟尼佛如來容受寬博具不可思議佛功德彼如來以本願故憐愍儀法所容甚廣說三歸依三乘說法說三種戒現三脫門於三惡趣拔濟衆生置三善道善男子彼釋迦牟尼如來成佛未久於時爲衆生於中石山帝眼夜叉宮娑羅窟一結跏趺坐七日無諍受解脫喜樂彼如來身滿娑羅窟其窟中無四指空處如來之身所不滿者竟七日時於十方十二那由他菩薩摩訶薩至彼娑訶世界住彼山前奉見恭敬釋迦牟尼如來乃至

以此四法彼釋迦牟尼佛勝諸如來善男子汝等持此月樂無垢華如已所見往西南方娑訶佛刹敬問釋迦牟尼如來少病少惱安樂住不尔時除憂惱踊上廣聞娑羅王如來以月樂無垢華與山蜜樂等趣菩薩告言善男子承我神力至娑訶刹時有二萬人同聲白言我等亦承如來神力詣彼娑訶佛土奉見恭敬親近釋迦牟尼如來彼如來言諸善男子隨意可往彼二菩薩與二萬菩薩俱承如來神力發無塵刹以一念頃至此娑訶佛刹者闍崛山中又手合掌白釋迦牟尼如來言世尊東北方有佛乃至如前所說彼佛遣

騎十  
士三

此月樂無垢華敬問世尊少病少惱安樂住不如是降魔宮如來座動於中菩薩集者見彼降魔宮如來座動即問如來所由因緣如前所說如是娑羅帝王佛大力光佛蓮華上佛栴檀彌樓王佛海此岸明佛智力佛尔時東北方如是等無量阿僧祇如來各遣二菩

薩持月樂無垢華至此娑訶佛土奉見敬問釋迦牟尼如來供養恭敬親近聽法大乘大悲分陀利經入三昧門品第二十九

尔時一切衆生集此娑訶佛刹者釋迦牟尼如來以神通力令一一衆生身如芥子如是衆生遍滿寥塞娑訶佛刹地及虛空衆生充滿乃至無容毫髮之處彼諸衆生各不相見唯覩虛空又諸石山須彌鐵圍大鐵圍山障山上至諸天宮下至金輪悉無障蔽衆生之眼唯見釋迦牟尼如來入遍虛空法無斷滅三昧爾時如來內一切月樂無垢華諸毛孔中是諸衆生集娑訶世界者皆悉得見彼諸衆生捨思惟觀佛色身心皆觀如來毛孔見毛孔中諸有園池種種寶樹種種華葉枝葉茂盛種種頭舍種種衣服種種幡蓋幢摩根由羅真珠瓔珞以莊嚴樹譬如安樂世界園林茂盛時諸衆生皆作是念我今宜往觀於園林時集此娑訶世界一切衆生從如來身

毛孔入而坐其中唯除在地獄餓鬼畜生及無色天爾時世尊還攝神通其諸衆生各得相見即相問言釋迦牟尼如來今在何處時彌勒菩薩普告大衆言咄汝衆生皆當應知我等今者盡皆集如來腹中彼皆各各見其如來身相內外然後乃知集在如來腹中彼皆生念我等云何入如來腹誰持我等置如來腹中爾時彌勒菩薩即以高聲告大衆汝等當聽此非餘力是如來神通變化爲饒益我等故出尊今當說法汝等一心聽聽善思念之時諸大衆又手合掌瞻仰世尊爾時如來即說一切法門行經何謂一切法門行經

駒十

十四

說是法時八十億恒河沙數衆生即於如來腹中得不退轉阿耨多羅三藐三菩提過數菩薩摩訶薩得種種三昧陀羅尼忍辱時彼一切還從如來身毛孔出於如來所得未曾有頂禮如來足已各還十方至其本土東方菩薩誠欲推尋釋迦牟尼如來音輪身相彼東方菩薩轉轉乃至東方過無量阿僧祇佛土猶故不盡釋迦牟尼佛如來音輪之聲於彼聞如是音文字句義皆悉備足猶如釋迦牟尼如來前坐聽法無異於彼一切亦不能知釋迦牟尼如來身之增減彼在所至處見釋迦牟尼如來身現在前又見無量阿僧祇

駒十

十五

祇菩薩聲聞在釋迦牟尼如來身一毛孔中出入無礙一一毛孔亦如是乃至見一切毛孔中衆生出入亦復如是於十方亦如是說。爾時大衆在如來腹者皆從如來毛孔出已頭面頂禮出尊足繞佛三匝住如來前以衆妙偈句義備足同時讚歎稱譽如來。爾時欲包界諸天於虛空中雨衆妙華華鬘塗香作天伎樂懸諸天繒旛蓋幢麾衣服頭舎真珠瓔珞供養如來。

大乘大悲分陀利經囑累品第三十

爾時有菩薩名無畏等持叉手合掌前白佛言唯世尊此大受記當名何經云何受持佛言一名入一切種智行陀羅尼門二名諸佛之藏三名多集四名授菩薩記五名入無畏道六名入諸三昧七名現諸佛土八名如大海九名過數十名大悲分陀利重白佛言唯世尊若善男子善女人受持誦讀此經爲他人說乃至一四句偈得幾所福佛言此經功德吾先已說今當爲汝略說若有善男子善女人受持是經讀誦書寫爲他人說乃至一四句偈是人得福過於菩薩十大劫中具行六波羅密者所以者何此經能滅除諸天世人梵魔沙門婆羅門衆夜叉羅刹龍乾闥婆鳩槃茶餓鬼毗舍遮緊那羅阿脩羅等諸惡心故又能除滅一切諸病鬱憤怨嫉又能除滅非時惡風霜雹暴雨又能除滅疾疫饑饉能令安隱常得豐樂令人強健集會歡喜不相順者能令和合有恐怖者施無畏樂能滅結使增長善根能三惡趣脫諸苦際又能示現三乘妙道能令人得三昧陀羅尼忍辱能饒益一切衆生能坐金剛座能破四魔能覺助菩提能轉法輪之聖士財衆生能以菩提法令得富足我欲令多衆生入無畏城故演說是法今我是法當付囑誰誰能於後惡世之中宣布是法令於諸方不退轉菩薩皆得聞知令除衆生染著非法貪著榮利處邪見

法無果報心皆悉除滅尔時一切大眾知如來心衆坐有一夜叉仙名那彌樓弗沙時彌勒菩薩摩訶薩手執那彌樓弗沙臂將至世尊所佛言汝大仙受持是法乃至於後惡世之時廣宣流布令諸方不退轉菩薩皆悉聞知有得聞者住不退轉心彼白佛言唯然世

尊我以本願爲夜叉仙過八萬四千大劫於行苦提行我以勸過數衆生遊四梵處住不退轉地世尊其有衆生於後惡世能受持書寫讀誦此經乃至爲他人說一四句偈我當身自擁護令彼法師無能惱者佛說是經已時諸大衆天龍乾闥婆阿脩羅世人聞經歡喜作禮而去

十六

大乘大悲分陀利經卷第八

駒十

立墮下音曠墓穴也  
蠅上莫庚反  
鷲就下音余陵反  
狼胡郎字音烏  
地數下徐妹反  
覆察色坊

摩擇音  
駒字函